

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（229）

圖 國家圖書館出版社

中國地方志佛道教文獻匯纂·寺觀卷
江西省 上饒市

上饒縣志

清·陶堯臣修 周毓麟等纂
清道光六年（一八二六）刻本

繪

圖









上饒縣志卷十七

古蹟志 坊表附

古蹟

上饒縣

卷十七

陸鴻漸宅在府城西北茶山廣教寺昔唐陸羽嘗居此號東
岡子刺史姚驥嘗詣所居鑿沼爲溟渤之狀積石爲嵩華
之形後隱士沈洪喬葺而居之 圖經羽性嗜茶環居有
茶園數畝陸羽泉一勺今爲茶山寺 孟郊題陸鴻漸上
饒新開山舍詩驚彼武陵狀移歸此巖邊開亭擬貯雲鑿
石先得泉嘯竹引清吹吟花成新篇廼知高潔情擺落塵
中緣 皇甫曾詩千峯待逋客香茗復叢生採摘知深處
烟霞美獨行幽期山寺遠野飯石泉清寂寂燃燈夜相思

上饒縣志

卷十七

磬一聲

前志

聞通寺唐曹松有題信州聞通寺僧砌下泉詩云細聲從峭足幽淡浸香堦此境未開日何人初見時耗痕延壘蘚淨
罅吐微漸應有喬梢鶴下來當飲之

全唐詩增

古鐘在縣治後天寧寺前後鏤識爲僞吳順義三年信州刺史周本鑄原計重二千四百餘觔至宋建炎元年十一月會首劉能輩重鑄增至一萬餘觔古天寧寺物也寺廢卽址建樓懸之 國朝康熙二十二年樓圯鐘墜入地尺許五十一年郡守周錚元重建鐘樓鐘復在懸命僧鳴之以

警晨昏自爲碑記乾隆三十一年移建西門外三官殿後
三十三年知府王廷欽復建於城內之東門嘉慶十六年
郡守王賡言移建城南鳴山寺易名雞應有移鐘歌 宋

蘭陵全真叟錢億銘曰陶鎔大質由良匠叩擊洪音發梵

宮禪衆三時營佛事聞聲咸願護圓通 明夏尚樸登郡

城鐘樓詩積雨喜初霽春山翠欲流小牕清睡起與客又

登樓

前府志增

王賡言歌云何人鑄得六州鐵重逾百石釁以

血紀年皇宋建炎歲男女名姓燦然列傳聞初置郡城東
更數百年移城中天寧寺廢樓傾圯坐任棄置歸蒿蓬我

偶觀之心惆悵大鑪合在明堂上黃鐘毀棄瓦缶鳴徒聞
牧笛與樵唱卜吉覓得城南廂鳴山古寺水一方築地爲
基高亭建石柱四面虛中央結構已成爲文祭昇以千人
妥位置大江飛渡了無難想見神物真得意是日恰當浴
佛辰街衢雨過無埃塵願將百八蒲牢響驚醒人間夢塵

人前志
增

清樾軒在縣北廣教寺宋曾文清幾所居詩云開軒在獨園
繞屋得清樾不知何年樹殆爲今日設窗扉落林影時復
亂風月喧聲了不聞幽弄極可悅玉溪僧所廬無似許明

上饒縣志

卷十七

潔頗疑三昧手斷取從三浙禪房花木深此語信佳絕何
以落其成爐烹薦茗雪

通志原作會逮詩
今據茶山集改正

東軒在茶山廣教寺曾文清東軒小室卽事五首其一云卷
書坐東軒有竹甚魁偉清風過其間憂憂鳴不已寫之以
素琴音節淡如水不惜爲人彈臨流須洗耳又盛夏東軒
獨成云因病不舉酒况當朱明天客至但茗椀談詩復談
禪甘寒百尺井舊日陸子泉安得僧舍雪霏微濕茶烟

集
增

松風亭在城北廣教寺宋曾文清幾得喬松十餘四合而中

空其下可坐故名有詩四首云長鄉壁四立杜老茅三重

茶山窮次骨憇息以長松直幹似棟宇清陰自嵒嵒山泉

落高處審聽是松風客至引幽步步及松風亭問亭何

當作笑視何足聽俗論閨蛙鼃市聲殷雷霆時來一洗耳

兩眼爲君青有客過茅宇煮茶坐松風問亭果安在笑

指十八公君看梁與棟豈不深且雄何必用斧斤然後成

嵒嵒回環數株松老幹極落落清風一披拂竽籟自然

作喧囂世俗事祇使人意惡誰能洗耳來相與憇寂寞

前府

志舍茶

山嵒塔

上饒縣志

卷十七

七

橫碧軒今廢曾文清幾嘗居孔雀僧院東廡小室榜曰橫碧
軒有諸公酬唱之作幾詩云道山心已灰但有愛山癖移
家過溪住政爲數舉碧空濛梅子雨了不見顏色朝來忽
獻狀欣若對佳客晴牕卷書坐慈翠長在側似爲神所憐
持用慰岑寂會登此山頭卻望水南北烟樹有無間吾廬
應可識魯起元詩云嵐光懸座蒼翠濕寺影拂波金碧寒
前府志合
茶山集增

曾文清竹在茶山寺曾文清幾所植詳見韓元吉兩賢堂記

今尙茂密

據兩賢
堂記增

禪月臺宋洪邁信州禪月臺上詩云玉峯黯寥廓霄漢疑可
梯玉水環城陰澹澹方拍堤層臺擅二美吾策一時攜何
當蠟吾屐更欲照以犀塵勞不見救竟賴窮途迷我生廉
鹿爾不羨駕輅驪向來邱壑懷餘語人所護長安黑頭公
玉勒朝金閨山林出戲言廣已無端倪誰收遮日手歸抱
耕雨犁紛紛塵土中等是舞甕雞頗聞山水間幽子飯藿
藜行當踐此語絕境同攀躋

通志

按唐詩僧貫休號禪月大師臺及景德寺禪月院皆以
休得名休謁錢塘吳越王不肯改四十州之句因而入